



## Universitätsbibliothek Paderborn

**Petri Francisci Chiffletii, Vesontionensis, Societatis Jesu  
Presbyteri, Opuscula Quatuor.**

**Chiflet, Pierre François**

**Parisiis, 1679**

IV. Guidonis primogeniti conjux, Abbatissa Elariaci prope Divionem,  
quando haec scribebat Gaufridus.

**urn:nbn:de:hbz:466:1-9409**

174 Excerpta de vita S. Bernardi.

tres suos, volens conversionis eorum socius fieri. Sed quia parvulus erat, remittebant eum, & reddebat patri suo. Tandem non ferentes importunitatem ejus, tradunt eum Sacerdoti cuidam, ut disceret litteras: & ubi paululum crevit, factus est & ipse Novitus apud Cistercium, & suscepito post anni spatium habitu, redditus est Fratribus in Claravalle.

IV. Guidonis primogeniti conjux, Abbatissa Elariaci prope Divionem, quando hæc scribebat Gaufridus.

**S**ENIOR frater ejus Guido cum de conversione loqueretur ei, excusare se cœpit de uxoris vinculo quod solvere non liceat. Promisit tamen in fide, & dextram dedit, venturum sese cum fratre, si posset ab uxore licentiam obtainere. Ad quem illico frater ait: Ut meliori sis animo, ego quoque in eadem tibi fide promitto, ante proximum Pascha, aut licentiâ, immò & petitione, aut certè morte ipsius, solvendum te à lege uxoris. Et

OPUSCULUM IV. 175

promisit in manu ipsius. Nec multò pòst factum est uti predixit, & cœpit juvencula nobilis & decora, cum omni instantia lacrymarum, in cubiculo, stupenti viro pro conversionis licentiâ supplicare. Ipsa est quæ usque hodie in Monasterio Lairicus, quod prope Divionum situm est, perseverat mulier virtutis, & multarum in Christo Virginum Mater.

Sub hujus Praefectæ Lariacensis curâ fuisse videtur Aremburgis, Hugo-nis II. Burgundiæ Ducis filia, de cuius dote sunt tabulæ sequentes ex autographo Benigniano descriptæ.

Hugo II. Dux Burgundiæ, Aremburgem filiam suam in Monasterio Lariacensi ve-landam Deo consecrans, dat eidem Mo-nasterio omnem Justitiam, cum omnibus exactiōibus & consuetudinibus quas apud Lariacum habebat: laudantibus Mathilde conjugi, & quatuor filiis, Odone, Roberto, Henrico, atq[ue] Hugone: adstantibus, Hugone S. Benigni, Stephano

176 Excerpta de vita S. Bernardi.

Cisterciensi, Bernardo Claravallensi, & Heriberto S. Stephani Divionensis Abbatibus, aliisque Reverendis ac Nobilibus viris. Circa annum Christi 1127.

” **I**N NOMINE sanctæ & individuæ  
” Trinitatis. Præsentibus cunctis &  
” futuris notifico, quod ego HUGO Dux  
” Burgundiæ, quando filiam meam  
” AREMBURGEM tradidi in Monaste-  
” rio Lariacensi Deo servire, laude  
” uxoris meæ Mathildis ac filiorum meo-  
” rum Odonis, Roberti, Henrici, atque  
” Hugonis, dederim Deo & Sancto Beni-  
” gno Divionensi, ac Monialibus de  
” Lariaco, omnem Justitiam, cum omni-  
” bus exactionibus & consuetudinibus  
” quas apud Lariacum habebam, vel me  
” debere ibidem habere dicebam: & con-  
” cesserim ut Monachi qui eidem loco  
” præfessent, jure quieto in perpetuum  
” illas haberent. Huic autem donationi  
” meæ interfuerunt plures tam sacerdtales  
” nobilissimi viri, quam religiosi, qui  
” etiam

OPUSCULUM IV. 177

etiam inde testes existunt. HUGO Ab-  
bas Divionensis, STEPHANUS Ab-  
bas Cisterciensis, BERNARDUS Ab-  
bas de Claravalle, Girardus frater ejus,  
Herbertus Abbas sancti Stephani Di-  
vionensis, Walo Abbas, Raynerius de  
Rupe, Girardus de Castellione, Iohan-  
nes de Belnâ, & Raynardus frater ejus,  
Widricus Divionensis, & Aymo fra-  
ter ejus, Carpinus, Hugo de Besuâ,  
Petrus frater ejus, Hugo de Ysio, Oddo  
Coccus, Uldierius, Robertus Sacrista,  
& alii plures.

M



Harum tabularum epocham demon-  
strant Herbertus S. Stephani, & Hu-  
go S. Benigni Divionensis Abbates.  
Iniit enim Herbertus anno 1125. Ab-  
dicavit autem Hugo 1129. Medio igit-  
ur tempore, adeoque circa annum  
1127. in Lareio velata est Aremburgis.

## OPUSCULUM IV. 179

Eodem porrò se receperat Guidonis primogeniti Bernardum fratrem in Monasterium Cistertense comitati conjux, ex anno 1113. quæ si jam anno 1127. Lareiensi Parthenoni nondum præcerat, poterat certè regiæ puellæ Areburgis educationi à Monasterii Matre præfici. Quo factum videtur, ut adesset inter cæteros Bernardus ejus dotationi, sive ut illius cum cælesti Agno nuptias suâ præsentia cohonestaret, sive ut illam fratriæ suæ de meliore notâ commendaret.

Lariaci sive Elariaci dominium utile, Sancto Benigno jam olim contulerat Guntrannus Rex, confirmaverat Rex Chlotarius III. Wilfechramno Abbatii, ix. Kalendas Novembris, anno regni sui octavo: addidit Hugo Dux II. dominium altum quasi pro dote filiæ suæ Areburgis. Si quæris de origine Lariacensis Parthenonis, aio videri ad Jarentonis Abbatis tempora referendam. Ex Chronico Hugonis Floria-

M ij

180 *Excerpta de vita S. Bernardi.*

censis, Jarento apud Casam Dei habitum suscepit monasticum anno Christi 1074. Vasta erat eremus, utpote quæ ante annos viginti, habitationes hominum non noverat. Ibi mox compulsus est magister fieri ex discipulo, & Prioris suscepit officium jussu Duranni Abbatis, & totius Congregationis voto. Triennium eo munere est perfunctus, donec in Concilio Augustodunensi creatus est Abbas S. Benigni Divisionensis, & à Rainardo, cognomento Hugone, Lingonensi Episcopo folleimi ritu consecratus xv. Kalendas Octobris anni 1077. Jarento jam Abbas, proximè sequenti anno 1078. XIII. Kalendas Julii privilegium obtinet à Gregorio Papa VII. in quo inter alia hæc ait Pontifex: *Ecclesiam quoque Beati Germani de Laré, ubi Sanctimoniales consistunt, vobis perpetuò confirmamus possidendam: Et ut ipsæ Sanctimoniales nunquam à subjectione Ecclesie Divisionensis se removeant, sub ana-*

M

OPUSCULUM IV. 181

themate prohibemus; sed semper per vestram providentiam gubernentur. Dederat (ut jam monui) Guntrannus Rex Sancto Benigno vicum qui est in prospectu hujus Monasterii (inquit auctor Chronici Benigniani) tunc magna amplitudinis, vocatum Elariacum, cum omnibus appendiciis suis, super Oscaram fluvium situm. Sed de Monialium ibi constitutâ familiâ nullum uspiam verbum ante Jarentonem. Junge nunc tempora, compara inter se eventus, & ad rerum gestarum adjuncta animum adverte.

Hildeberti Marchiæ Comitis filia, anno Christi 1076. ad Casæ Dei vastam eremum fit Monialis. Cujus porrò curæ committitur, nisi Jarentonis qui Prior erat Casæ Dei ex anno 1074. Cum exinde aliò deductas fuisse constet Casæ Dei Moniales, numquid locum quasi digito monstrat Jarento, factus Abbas Divionensis autumno anni 1077. Vicum nempe Elariacum ditonis S. Benigni, & in Benigniani Mo-

M iij

182 *Excerpta de vita S. Bernardi.*

nasterii prospectu positum? Et Sancti-  
monialium Congregationis in S. Beni-  
gni agro constitutæ regimen quid ne-  
cessè erat rescripto Pontificio Benignia-  
nis vindicare, nisi ut ab eo arcerentur  
Casæ Dei Monachi, qui tanquam à  
se Deo consecratas, velle poterant  
ubique regere, ac sibi habere obno-  
xias.

Plura nos de hoc argumento in Sa-  
crario nostro Jurensi, hoc est, in Hi-  
storiâ Monasterii S. Claudii, brevi (ut  
speramus,) typis excludendâ: cùm  
ageremus de sancto Simone ex Comi-  
te ad S. Eugendum Monacho. Hunc  
enim sibi generum ambierat Hildeber-  
tus Marchiæ Comes. Sed oblatam sibi  
conjugem Simon in Christi Sponsam  
convertit, quâ ad Casam Dei factâ  
Moniali, factus ipse est Jurensium Pa-  
trum sanctitatis æmulator.

Hæc de exordiis Lateyensis seu La-  
riacensis Monasterii, quo excepta est  
Aremburgis Hugonis II. Burgundiæ

OPUSCULUM IV. 183

Ducis filia, de nomine ataviæ suæ  
sic appellata. Sed his principiis non re-  
spondit recentiorum temporum cursus.  
Laxatâ sæculis posterioribus & Mona-  
chorum Benignianorum, & Lariacen-  
sium Monialium disciplinâ, primùm  
harum imminutus est numerus, & loci  
proventus inter Monachos & Monia-  
les divisi, tandem Priori Monacho ad  
hanc diem cessere in solidum: nuper  
( ut audio ) Ludovici Magni, Chri-  
stianissimi Regis studio, sustinendis  
Societatis J E S U Orientalibus Missio-  
nibus destinati.

Lareyi antiquum statum ex Archivi  
Benigniani sequentibus aliquot tabu-  
lis cognoscet.

M . iij

184 Excerpta de vita S. Bernardi.

*Guntrannus Rex dat S. Benigno Vicum  
Elariacum, in prospectu Benigniani  
Monasterii situm, cum omnibus re-  
bus ad illum spectantibus, anno regni  
sui XXII. æra vulgaris 583.*

*Ex Chronico S. Benigni, cap. xviii.*

» **G**UNTRANNUS Rex Franco-  
» rum, cùm jam anno XXII. Re-  
» gnum Burgundiæ feliciter regeret, vi-  
» dens sibi liberos non superesse, cœpit  
» thesauros suos in eleemosynis paupe-  
» rum distribuere, Monasteria & loca  
» sancta ex ipsis thesauris ditare: inter  
» quæ & ecclesiam hujus patroni nostri,  
» sancti scilicet Martyris Benigni, donis  
» optimis extulit. Ipse denique dom-  
» nus Guntrannus præcellentissimus Rex  
» dedit sancto Benigno vicum qui est in  
» prospectu hujus Monasterii, tunc ma-  
» gnæ amplitudinis, vocatum **E L A R I A-**  
» **C U M**, cùm omnibus appendiciis suis,  
» super Oscaram fluvium situm. Et om-

## OPUSCULUM IV. 1.

nia quæ nunc usque ad possessionem  
pertinent hujus loci, à ponte Divionis  
usque Floriacum villam, contulit me-  
moratus Princeps sancto Martyri Be-  
nigno. In Biciso scilicet, in villa Co-  
lonicas dictâ, in Plomberias, in Sili-  
niaco, in Scontio, in Villari, in Cam-  
paniaco, in Lentennaco, in Girone,  
in Corcellas, in Flaviniaco, in Pruni-  
do, in Jussiaco, in Matriniaco, in Bar-  
biriaco. His & aliis locis mansa vesti-  
ta, & absa, cum mancipiis plurimis  
utriusque sexûs, terris cultis & incul-  
tis, vineis, silvis, pratis, pascuis, aquis  
aquarumque decursibus, ingrediis,  
exis & egressis, omnibus rebus exqui-  
sitis & inquirendis, totum ad integrum  
contulit memoriâ dignus Rex Gun-  
trannus Deo & Sancto Benigno, ad  
victum Monachorum Deo in hoc loco  
deservientium: ut pro se ac sequentium  
Regum salute & peccatorum remissio-  
ne, regnique totius statu Domini exo-  
rent clementiam Monachi in isto loco  
degentes.

*Ex eodem Chronico, capite xxxvii.*

„ **A**NNO igitur octavo regni sui  
„ Clotharius Rex, residens Mosol-  
„ laco Palatio suo cum Episcopis & Prin-  
„ cipibus regni sui, Wulfechramnus Ab-  
„ bas hujus loci adiit ejus præsentiam,  
„ conquerens super quorundam Militum  
„ ejus violentiâ. Guntrannus namque Rex  
„ dederat Sancto Benigno Martyri, pa-  
„ trono Divionensis loci, ELARIACUM  
„ villam, cum omnibus appendiciis suis.  
„ De cuius possessionis terris suprascripti  
„ calumniatores molestias inferebant  
„ multas memorato Abbatii, Monachis-  
„ que hujus loci. Rex ergo Clotharius  
„ annuens ejus precibus fecit præceptum  
„ Sancto Benigno de præscripto fundo,  
„ anulōque suo jussit insigniri, ut nullus  
„ supradictorum calumniatorum, aut eo-  
„ rum heredes vel successores, aut ullus  
„ aliquis alias cujuscunque honoris ac  
„ dignitatis, in denominato agro audeat  
„ aliquam vim inferre. Erat tunc Ma-

OPUSCULUM IV. 187

jordomus Regis suprà nominatus Au- "  
bedo , quem in scripto ejusdem præce- "  
pti Audebellum vocat. "

Clotharii III. anno octavo , Christi 667.

IX. Kalendas Novembris Benignianis  
Lareyum vindicat Wlfechramnus Ab-  
bas : cuius antecessor hic appellatur Ri-  
chimarus , aequalis Bertoaldi Lingonen-  
sis Episcopi , subscripti in Concilio Ca-  
bilonensi circa annum Christi 650 .

*Ex antiquo apographo.*

LOTARIUS Rex Francorum , "  
vir illuster. Quotienscumque al- "  
tercantum jurgia Palatii nostri , nostra , "  
nostrorumque fidelium aut Ecclesiarum "  
seu Sacerdotum , pro quarumcum- "  
que rerum negotiis noscuntur adve- "  
nire , oportet nobis in Dei nomi- "  
ne juxta legum severitatem inquirere , "  
ut deinceps nulla videatur quæstio re- "  
moveri. Ideoque cùm nos in Dei nomi- "  
ne , Masolago in Palatio nostro , unà "

188 *Excerpta de vita S. Bernardi.*

„ cum Apostolicis viris Patribus nostris  
„ Episcopis , Optimatibus , cæterisque  
„ Palatii nostri ministris; necnon & Au-  
„ dobello Palatii nostri Comite , qui de  
„ ipso ministerio ad præsens nobis deser-  
„ vire videbatur , ad universorum causas  
„ audiendas , justoque judicio terminan-  
„ das resideremus; advenientes ibi acto-  
„ res Basilicæ domni Benigni , quæ est  
„ sub oppidum Divione constructa, ( ubi  
„ ipse pretiosus Martyr in corpore re-  
„ quiescit , & vir venerabilis Wlfes-  
„ chramnus Abba præesse videtur ) vi-  
„ debantur repetere à quibusdam ho-  
„ minibus , dicentes quia anteacto tem-  
„ pore bonæ recordationis parens noster  
„ dominus Guntrannus quondam Rex ,  
„ per testamenti sui paginam ad ipsam  
„ Basilicam Sancti Benigni , villam nun-  
„ cupatam Elariacum , cum adjaciens ,  
„ vel omni re ad se pertinente concef-  
„ sisset; & ipsi homines infra ipsos ter-  
„ minos commanentes , ex parte maximâ  
„ plurima pervasisserent , vel ad suam par-

OPUSCULUM IV. 189

tem contradicerent, & redditus terræ  
partibus ipsius Basilicæ reddere con-  
tempnerent, & silvas de ipso agro de-  
vastassent; & terram exinde aut prata  
per loca plurima invasissent, vel vineas  
plantassent, aut calmas rupissent.

Econtrà illi dicebant, quòd ipse  
Princeps dominus Gundrannus per præ-  
ceptionem quam in præsenti protule-  
runt relegendam, in antecessores pa-  
rentes eorum firmasset; ubi contine-  
batur quòd ab eo tempore quo ipsum  
agrum Elariacum jam dictus Princeps  
ad memoratam Basilicam Sancti Beni-  
gni contulerat, per munificentiam ip-  
sius Principis promeruerant, ut quid-  
quid ex successione parentum habe-  
bant, hoc in idipsis confirmatum esse  
deberet. Interrogatum est à nostris Pro-  
ceribus, si cessionem ipsius domni Gun-  
dranni, aut aliorum Principum, seu  
alia instrumenta de ipso agro habebant,  
an non, in præsenti edicere deberent.  
Sed ipsi professi sunt ad præsens, quòd

190 *Excerpta de vita S. Bernardi.*

„ aliud instrumentum nullum vel firma-  
„ tionem magis exinde non haberent,  
„ quām quod præsentabant. Unde & ip-  
„ sas confirmationes relectas & percur-  
„ fas , inventum est à fidelibus nostris  
„ quōd nullum detrimentum vel præju-  
„ dicium ipsa Basilica domni Benigni de  
„ ipso agro Elariacense exinde pate-  
„ retur. Etiam & pactionem præsenta-  
„ bant , qualiter antecessor supradicti  
„ Wlfechramni Richimarus quondam  
„ Abba , seu & Apostolicus vir dominus  
„ Bertoaldus Episcopus , unà cum ipsis  
„ vel parentes eorum , de parte maximâ  
„ de infra termino ipso Elariacense con-  
„ tentionem maximam habuissent , &  
„ ipsas terminationes perambulassent , &  
„ signa posuissent. Proinde nos taliter  
„ unà cum nostris Proceribus , in quan-  
„ tum illuster vir Audobaldus Comes  
„ Palatii nostri testimoniavit , constitit  
„ decrevisse , ut dum hæc causa inter  
„ ipsos ( sicut superiùs continetur ) ta-  
„ liter acta vel inquisita fuisset per or-

OPUSCULUM IV. 191

dinem, jubemus ipso agro Elariacen-  
se, quantumcumque dominus Gun-  
drannus per testamenti sui paginam  
ibidem delegavit, postpositâ & calca-  
tâ ipsâ confirmatione, vel reliquas à  
successoribus Principibus factas descri-  
ptiones : ne deinceps per ipsas aliqua  
removeri videatur causatio ; sed quod  
haec tenus tenuisse videbuntur infra ipso  
 pago Elariacense, vel ubicumque, tam  
 terris, curtiferis, casis, vineis, pratis,  
 silvis, pascuis, aquis, adjacentibusque  
 suis per alia loca, cum omni jure te-  
 neant, possideant absque sollicitudine,  
 absque alicujus repetitione : sitque in  
 Dei nomine ad partem Sancti Benigni  
& provisorum loci, subiectorumque eo-  
 rum evindicatum omni tempore : & sit  
 in posterum de hac re sopia causa-

Abbelenus recognovit & datavit  
 sub die nono Kalendarum Novem-  
 bris, in anno octavo regnante domino  
 nostro CHLOTARIO feliciter. Amen.  
 Airardus Presbyter recognovi & sub-  
 scripsi.

192 Excerpta de vita S. Bernardi:

Gregorius Papa VII. Farentoni Abbatii,  
ejusque Monasterio, jus eligendi Ab-  
batem, exemptionem ab interdicto Epi-  
scopi Lingonensis, jus recipiendi Mo-  
nachos, & ministros pro Ecclesiis sibi  
subjectis Episcopo presentandi: liber-  
tatem claustrum: possessionem Ecclesie  
S. Germani de Laré, & in ejus San-  
ctimoniales jurisdictionem: omnia de-  
nique bona & jura sua, Apostolicā  
auctoritate confirmat, anno Christi  
1078. Pontificatus V.

*Ex autographo.*

„**G**REGORIUS Episcopus servus  
„servorum Dei venerabili filio  
„GERENTONI Abbatii Divionensis  
„Monasterii, ejusque successoribus regu-  
„lariter promovendis in perpetuum. Su-  
„pernæ miserationis respectu ad hoc  
„universalis Ecclesiæ curam suscepimus  
„& Apostolici moderaminis sollicitudi-  
„nem gerimus, ut justis precantium votis  
attentâ

OPUSCULUM IV. 193

attentâ benignitate faveamus. Proinde, “  
dilecte in Domino fili JARENTO Ab- “  
ba, petitionibus tuis grato occuren- “  
tes assensu, libertati ac quieti Mona- “  
sterii vestri auctore Domino duximus “  
providendum. Siquidem ipsum Cœno- “  
bium sub Sedis Apostolicæ protectione “  
suscepimus: & obeunte te nunc ejus- “  
dem loci Abbate, vel tuorum quoli- “  
bet successorum, nullus ibi qualibet “  
subreptionis astutiâ seu violentiâ præ- “  
ponatur, nisi quem Fratres communi “  
consensu secundùm timorem Dei, & “  
Regulam Sancti Benedicti elegerint: “  
maximè de eadem Congregatione, si “  
idoneus inventus fuerit. Quòd si talis “  
qui huic regimini congruat, inter eos “  
inveniri non possit, aliunde sibi Patrem “  
& Magistrum expetant, & à Lingo- “  
nensi Episcopo consecrandum ordi- “  
nandumque provideant: si tamen ipse “  
Episcopus gratiam Apostolicæ Sedis “  
habuerit, & canonice facere ipsam or- “  
dinationem voluerit. Quòd si aliquid “

N

194 *Excerpta de vita S. Bernardi.*

„ horum obſtiterit , liceat Elec̄to ejus-  
„ dem Monasterii, aut ad Apostolicam Se-  
„ dem recurrere, aut à quocumque volue-  
„ rit religioso Episcopo consecrationem ,  
„ & Clericorum ordinationes, atque cæ-  
„ tera quæ ad Episcopum pertinent , sus-  
„ cipere. Statuimus etiam ne ab Epi-  
„ scopo vel ministris Lingonensis Eccle-  
„ siæ, divina vestro Monasterio interdi-  
„ cantur officia : sed continuè celebren-  
„ tur , niſi eisdem causis Fratres ceſſare  
„ oporteat , quæ Sedis Apostolicæ Præ-  
„ fulis *Benedicti* determinatione distinctæ  
„ ſunt Illam quoque in Monachis tuis  
„ quietem ac libertatem , quam idem  
„ Præſul decreto ſuo firmavit , nos Bea-  
„ ti Petri & noſtrâ auſtoritate intemera-  
„ tam perpetuò manere fancimus. Qui  
„ cumque verò Clericorum vel laïco-  
„ rum ſeſe in Monasterio vestro voluerit  
„ conſerre , vobis liceat eos ſine aliquâ  
„ contradictione recipere , dummodo  
„ propriâ culpâ excommunicati non fue-  
„ rint , vel nominatim interdicti. Conſir-

OPUSCULUM IV. 195

mamus etiam vobis Ecclesias vestras  
quascumque nunc possidetis, seu quas, “  
largiente Deo, in posterum canonice “  
possidebitis, statuentes ut nullus Cle- “  
ricorum sine assensu vestro in eis au- “  
deat ministrare: sed quotiescumque in “  
aliquâ earum minister fuerit subrogan- “  
dus, vos idoneum ad hoc eligentes “  
Episcopo præsentate: qui Episcopus “  
curam ei animarum injungat, & sic vo- “  
bis de temporalibus, Episcopo verò “  
de spiritualibus debeat respondere. Si “  
quis autem contra hanc formam in eis- “  
dem Ecclesiis ministrare præsumperit, “  
nos eum ab officii sui exequutione sus- “  
pendimus. Claustro etiam in quo Mo- “  
nasterium vestrum situm est, eam li- “  
bertatem & immunitatem concedimus, “  
quam illustris Rex ROBERTUS no- “  
scitur contulisse, ut ab omni invasione “  
& violentiâ Ducis & hominum suo- “  
rum sit in perpetuum liberum ac secu- “  
rum, ita ut nichil prorsus à Torrente “  
qui Castri, Sanctique causam dividit,

N ij

196 Excerpta de vita S. Bernardi.

„ aliquis vel auferre præsumat vel acci-  
„ pere. Ecclesiam quoque Beati Germa-  
„ ni de Laré, ubi Sanctimoniales consi-  
„ stunt, vobis perpetuò confirmamus pos-  
„ fidendam: & ut ipsæ Sanctimoniales  
„ nunquam à subjectione Ecclesiæ Divio-  
„ nensis se removeant, sub anathemate  
„ prohibemus; sed semper per vestram  
„ providentiam gubernentur. Decerni-  
„ mus itaque ut nulli omnino hominum  
„ liceat idem Monasterium temerè per-  
„ turbare, aut ejus possessiones auferre,  
„ vel ablatas retinere, minuere, vel te-  
„ merariis vexationibus fatigare. Sed om-  
„ ninò integra conserventur, eorum pro-  
„ quorum sustentatione ac gubernatione  
„ concessa sunt, usibus omnimodis pro-  
„ futura. Si qua sanè ecclesiastica, sæ-  
„ cularisve persona hanc nostræ consti-  
„ tutionis paginam agnoscens, contra eam  
„ temerè venire temptaverit, & ammo-  
„ nita semel & secundò si non congruâ  
„ satisfactione emendaverit, potestatis  
„ honorisque sui dignitate carcat, reám-

OPUSCULUM IV. 197

que se divino judicio existere de per-  
petratâ iniquitate cognoscat : & à fa-  
cratissimo Corpore & Sanguine Dei  
& Domini Redemptoris nostri JESU  
CHRISTI aliena fiat, atque in extremo  
examine districtæ ultioni subjaceat.  
Cunctis autem eidem loco justa servan-  
tibus, sit pax Domini nostri JESU CHRI-  
STI, quatinus & h̄ic fructum bonæ  
actionis percipient, & apud districtum  
judicem præmia æternæ pacis inve-  
niant. Amen, Amen, Amen.

Ego GREGORIUS sanctæ Ca-  
tholicæ Ecclesiæ Episcopus. Data La-  
terani per manum Johannis S. R. Ec-  
clesiæ Diaconi Cardinalis XIII. Kal. Ju-  
lii. Anno ab Incarnatione Domini  
M. LXXVIII. Indictione I. Pontificatus  
autem Domni Gregorii PP. VII.  
quinto.

Bulla plumbea cum inscriptione

† GREGORII PAPÆ VII. ¶

N iij